

starfa og skal þar sjást, hversu miklu hefur verið varið til bókakaupa og hversu miklu til annarra þarfa bókasafnsins. Reikninginn, undirritaðan af stjórn sjóðsins með sundurliðaðri skrá yfir árleg bókakaup, skal leggja fyrir skólanefndina til samþykkis.

## 5. gr.

Bókasafnið skal vera í vörzlum og umsjá kvennaskólans á Staðarfelli og skal kennurum hans og nemendum heimill aðgangur að því ókeypis til afnota. Það skal ávallt geymt í lokuðum skáp eða skápum og allar bækur þess auðkenndar með stimpli. Allir, sem bækur þess nota, skulu bókfærðir og jafnframt getið, hvaða bók hver fær að láni og hvenær hann fær þær og skilar. Nákvæm skrá skal haldin yfir safnið og á hana bætt nýjum bókum árlega. Einn kennaranna ásamt 2 námsmeyjum, er forstöðukona tilnefnið, skal í lok hvers skólaárs yfirfara safnið, bera það saman við bókaskrána og gæta þess að enga bók vanti.

## 6. gr.

Stjórn sjóðsins skal vera skipuð 3 mönnum, forstöðukonu kvennaskólans, formanni Sparisjóðs Dalasýslu og sóknarpresti. Stjórnin hefur á hendi bókaval og annast allt annað, er snertir sjóðinn og bókasafnið.

## 7. gr.

Sjóðurinn skal geymdur og ávaxtaður í Söfnunarsjóði Íslands.

## 8. gr.

Leita skal staðfestingar forseta Íslands á skipulagsskrá þessari.

Reykjavík, 21. október 1944.

Sigríður Jóhannesdóttir.

Í stjórn Sparisjóðs Dalasýslu.

Þorsteinn Þorsteinsson.

Jens Bjarnason.

Ásgeir Ásgeirsson.

## REGLUGERÐ

fyrir vinnuheimili Sambands íslenzkra berklasjúklinga að Reykjum í Mosfellssveit.

## 1. gr.

Nafn stofnunarinnar er Vinnuheimili Sambands íslenzkra berklasjúklinga.

## 2. gr.

Stofnunin er eign Sambands íslenzkra berklasjúklinga og rekin af því samkvæmt því, sem nánar greinir í reglugerð þessari. Reikningshald stofnunarinnar skal vera skilið frá reikningshaldi sambandsins í heild.

## 3. gr.

Tekjur stofnunarinnar verða: Daggjöld vistmanna eftir nánari ákvörðun framkvæmdarstjórnar, annar væntanlegur ágóði af rekstri, styrkir, gjafir, áheit og annað er til fellur.

12

24. jan.

4. gr.

Tilgangur stofnunarinnar er að taka við til vistar:

1. berklasjúklingum, sem lokið hafa vist á heilsuhæli og sjá þeim fyrir vinnu við þeirra hæfi þeim til þjálfunar, svo og námi og læknishjálp eftir því sem með þarf;
2. berklasjúklingum með langvinna berklaveiki, sem ekki hafa lengur not heilsuhælisvistar og mega ekki dvelja á einkaheimilum vegna smithættu;
3. öðrum berklaöryrkjum, sem ekki hentar vist á sjúkrahúsum eða heilsuhælum.

5. gr.

Það er skilyrði vistar samkvæmt 4. gr., að vistþegi hafi, að dómi yfirlæknis heimilisins, minnst þriggja stunda vinnuþol daglega.

6. gr.

Að jafnaði skal ekki taka fleiri til vistar samkvæmt 2. og 3. lið 4. gr., en nemi af hvorum flokki  $\frac{1}{3}$  allra vistmanna.

7. gr.

Stjórn stofnunarinnar skal skipuð fimm mönnum, tveim kosnum af miðstjórn Sambands íslenskra berklasjúklinga, tveim kosnum af félagi vistmanna stofnunarinnar, enda sé það í Sambandi íslenskra berklasjúklinga, og einum af þingi Sambands íslenskra berklasjúklinga. Sömu aðilar kjósa jafnmarga varamenn. Stjórnin ræður málefnum stofnunarinnar. Stjórnin skal kosin til tveggja ára. Stjórn stofnunarinnar heldur fundi svo oft sem þörf krefur og skulu fundargerðir hennar bók- aðar. Á stjórnarfundum ræður afl atkvæða úrslitum og er fundur lögmatetur ef meira en helmingur stjórnarmanna situr fund.

8. gr.

Stjórn stofnunarinnar ræður forsetja og yfirlækni í samráði við miðstjórn Sambands íslenskra berklasjúklinga, ákveður launakjör þeirra og setur þeim erindisbréf. Áður en yfirlæknir er ráðinn, skal fengin viðurkenning heilbrigðisstjórnar fyrir því, að hann sé hæfur í stöðuna. Forstjóri og yfirlæknir ráða annað starfsfólk og ákveða kjör þess í samráði við stjórn heimilisins.

9. gr.

Stofnunin rekur ýmsar atvinnugreinar við hæfi vistmanna. Fyrir hverja atvinnugrein skal hafa sérstakt reikningshald. Reikningsár starfsgreina og stofnunarinnar í heild er almanaksárið. Reikningar stofnunarinnar skulu lagðir fyrir miðstjórn S. Í. B. S. og stjórn félags vistmanna, endurskoðaðir af löggiltum endurskoðanda, til samþykktar.

10. gr.

Vismenn fá greidd laun fyrir vinnu sína, enda njóti stofnunin allrar starfsorku þeirra. Stjórnin ákveður launagreiðslur til vistmanna á hverjum tíma í hverri atvinnugrein fyrir sig, að fengnum tillögum forstjóra.

11. gr.

Um greiðslu dvalarkostnaðar fer eftir mati stjórnar og tillögum forstjóra á hverjum tíma.

12. gr.

Sérhver vistmaður er skyldur til að hlíta þeim reglum, er settar kunna að verða sérstaklega um sjúklinga í berklahælum ríkisins. Enn fremur eru vistmenn háðir hegðunarreglum, er yfirlæknir stofnunarinnar setur. Yfirlæknir ákveður í hverju tilfelli daglegan vinnustundafjölda vistmanna.

## 13. gr.

12

Nú veikist vistmaður á ný, þannig að hann er fyrirsjáanlega óvinnufær um lengri tíma, skal þá leitast við að koma honum hið fyrsta á viðeigandi sjúkrahús. Slíkur sjúklingur á síðar, að fengnum bata og vinnuhæfni, forgangsrétt að vist á heimilinu á ný.

24. jan.

## 14. gr.

Yfirlæknir og forstjóra er heimilt að vísa vistmanni burt af heimilinu, ef hann óhlýðnast hegðunarreglum heimilisins eða verður uppvis að endurtekinni vanrækslu við störf sín.

## 15. gr.

Nú er vistmaður brautskráður af heimilinu að lokinni vinnuþjálfun og námi og skal þó stjórn heimilisins ávallt leitast við, ef hann hverfur ekki að ákveðnu heimili eða atvinnugrein, að útvega honum starf, er hún telur við hans hæfi.

## 16. gr.

Reglugerð þessari getur miðstjórn Sambands íslenskra berklasjúklinga breytt, að fengnum tillögum framkvæmdarstjórnar og yfirlæknis, enda verði breytingarnar staðfestar af heilbrigðismálaráðherra.

## 17. gr.

Reglugerð þessi staðfestist hér með samkvæmt lögum nr. 30 19. júní 1933 til að öðlast gildi þegar í stað og birtist til eftirbreytni öllum þeim, sem hlut eiga að máli.

*Heilbrigðismálaráðuneytið, 24. janúar 1945.*

**Finnur Jónsson.**

*Ragnar Bjarkan.*

## REGLUR

13

30. jan.

um greiðslu bóta fyrir eignir íslenskra skipverja, þær sem farizt hafa við sjóslys.

Samkvæmt fyrirætlum 41. gr. sjómannalaga, nr. 41 19. maí 1930, eru eftirfarandi reglur settar.

## 1. gr.

Útgerðarmanni ber að greiða bætur fyrir eignir íslenskra skipverja, þær er farizt hafa við sjóslys, og greiðast bæturnar eftir þeim reglum, sem hér fara á eftir.

## 2. gr.

Bæturnar skulu nema sannvirði eigna þeirra, er fórust, og þó aldrei fara fram úr þeirri upphæð, sem hér greinir á eftir, nema samið hafi verið um hærri bætur.

- A. Á skipum í utanlandssiglingum, á flutninga- og farþegaskipum í innanlands-siglingum 50 rúmlesta og stærri, svo og á varðskipum ríkisins, björgunar-skipum, togurum og fiskiskipum yfir 50 rúmlestir:
- |   |             |
|---|-------------|
| a. Til skipstjóra .....   | kr. 1800.00 |
| b. Til annarra yfirmanna að meðtöldum brytum og loftskytamönnum ..... | — 1700.00   |
| c. Til annarra skipverja .....  | — 1600.00   |